



Pou Piblikasyon Imedya: 19/08/2022

GOUVÈNÈ KATHY HOCHUL

**GOUVÈNÈ HOCHUL ANONSE FÒMASYON POU KÒPORASYON PREPARASYON
SITWAYEN ETA NEW YORK LA PRAL ReKÒMANSE ANVAN MWA
PREPARASYON NASYONAL LA AN SEPTANM**

Pwogram ke Divizyon Sekirite Teritwa & Sèvis Ijans ak Gad Nasyonal New York la ap dirije te pran yon poz nan kòmansman ane 2020 an akòz pandemi COVID-19 la, pral rekòmanse kou fòmasyon yo nan semèn kap vini yo nan Gran Fwa Eta New York la nan Syracuse ak nan Long Island

Inisyativ Kòporasyon Preparasyon Sitwaye an deja fòme prèske 350,000 Nouyòkè depi 2014 pou prepare ak reponn ak katastwòf ak ijans yo nan Eta New York

Gouvènè Hochul rankontre ak Ofisyèl Jesyon Ijans Long Island yo pou li adrese pozisyon preparasyon yo epi raple Nouyòkè yo pou yo rete prepare pandan sezon siklòn yo

Apre yon reyinyon sou preparasyon pou siklòn ak ofisyèl Long Island, Gouvènè Kathy Hochul te anonsé jodi a inisyativ Kòporasyon Preparasyon Sitwayen Eta New York (New York State Citizen Preparedness Corps) la pral rekòmanse ofri kou fòmasyon li yo nan fen mwa sa a anvan Mwa Preparasyon Nasyonal (National Preparedness Month) la an Septannm. Etabli an 2014, Kòporasyon Preparasyon Sitwayen an te bay prèske 350,000 Nouyòkè fòmasyon ak resous ki nesesè nonsèlman pou prepare pou nenpòt kalite katastwòf, men pou yo reponn ak rekipere tou. Fòmasyon yo te kanpe an 2020 akòz pandemi COVID-19 la.

"New York pa etranje fas ak dezas klimatik ak ijans metewolojik ki mande ajans repons ijans lokal yo ak piblik la an jeneral pou yo vijilan ak prepare", **Gouvènè Hochul te deklare.** "Depi premye jou a, administrasyon mwen an te konsantre sou kenbe Nouyòkè yo an sekirite, e mwen fyè pou m anonsé retou pwogram fòmasyon Kòporasyon Preparasyon Sitwayen an, ki ekipe Nouyòkè yo pou yo rete enfòme epi prepare pou nenpòt bagay Manman Lanati voye sou wout nou."

Nan kad efò sa a, Divizyon Sekirite Enteryè ak Sèvis Ijans Eta a, an patenarya ak Gad Nasyonal New York, pral òganize senk kou fòmasyon Preparasyon Sitwayen nan semèn k ap vini yo ak twa evènman ki pwogramme nan Gran Fwa Eta New York la nan Syracuse nan dat 28-30 out ak youn nan Hauppauge, NY nan dat 13 septanm. Gen yon

senkyèm evènman ki nan pwosesis pou yo pwogramme nan Riverhead, NY epi detay yo pral vini.

Pandan chak klas, yo ap anseye moun New York yo yon apwòch pou tout danje yo pou preparasyon, sa ki ba yo ladrès ke yo ka itilize nan nenpòt sitiyasyon ki menase lavi yo ak enfòmasyon sou fason pou devlope plan ijans fanmi yo ak enpòtans pou fè rezèv pou ijans. Anplis de sa, fòmatè yo bay enfòmasyon sou ki òganizasyon ki ka bay sipò adisyonèl; kijan pou w enskri pou NY-Alert, sistèm alèt ijans gratis nan tout eta a; epi kijan pou w konnen notifikasyon ki soti nan sous tankou Sistèm Alèt Ijans (Emergency ALERT System) lan. Yo ankouraje patisipan yo tou pou yo patisipe plis nan aktivite ijans ki egziste nan kominate a ki ka òganize atravè lekòl lokal yo, biznis yo oswa òganizasyon kominotè yo.

Volontè ki soti Lakwa Wouj Ameriken (American Red Cross) yo ede anseye kou tou, ansanm ak anplwaye Biwo Jesyon Ijans ak Biwo Prevansyon ak Kontwòl Ensandi (Office of Fire Prevention and Control) DHSES la. Pandan uit ane ki sot pase yo, ofisyèl sa yo te fè plizyè milye kou fòmasyon atravè eta a epi distribye plis pase 84,000 kit preparasyon pou ijans bay patisipan yo.

Komisè Divizyon Sekirite Teritwa ak Sèvis pou Ijans lan, Jackie Bray, te deklare, "Pa gen pi gwo priyorite pou Gouvènè Hochul ak mwen menm pase kenbe Nouyòkè parèy nou yo an sekirite epi avèk yon peyzaj menas ki divèrsifye tankou New York, li enpòtan pou nou asire rezidan yo gen fòmasyon ak resous ki nesesè pou reziste kont moman ki pi difisil yo. Kòporasyon Preparasyon Sitwayen an jwe yon wòl esansyèl nan efò sa a epi nou espere rekòmanse travay nou an pou edike ak ekipe Nouyòkè yo."

Majò Jeneral Ray Shields, Jeneral Adjwen New York lan, te deklare, "Medam ak Gason Gad Nasyonal nou an, ki reponn pou ede Nouyòkè yo pandan inondasyon, siklòn, tanpèt nèj, ak pi resamman pandemi COVID-19 la, valorize enpòtans pou w pare. Nou fyè dèské nou kapab yon lòt fwa ankò fè pati efò Gouvènè Hochul ap fè pou asire Nouyòkè yo konnen kisa pou yo fè lè yon katastwòf frape lè nou bay fòmasyon atravè pwogram Kòporasyon Preparasyon Sitwayen an."

Kou Preparasyon Sitwayen an nan Fwa Eta a ap fèt ant 10:30 a.m. rive 12:30 p.m. nan dat 28, 29 ak 30 out, nan Daniella's Seafood and Pasta House nan Art & Home Center. Enskripsyon pou chak kou kòmanse a 10:00 a.m. Patisipan kou yo ap resevwa yon kit preparasyon pou ijans nan fen fòmasyon an. Chak fanmi ap resevwa yon kit.

Yon fòmasyon Kòporasyon Preparasyon Sitwayen pral fèt nan Konte Suffolk nan dat 13 septanm, a 7:00PM nan H. Lee Dennison Building nan Hauppauge. Rezidan yo ka konfime prezans yo nan kou sa a pa imèl nan CPCTraining@dhes.ny.gov. Detay sou evènman Riverhead la pral vini.

Nouyòkè yo ka jwenn orè fòmasyon aktyèl la epi enskri pou kou yo sou sitwèb DHSES la [isit la](#).

Pou mande yon fòmasyon Kòporasyon Preparasyon Sitwayn nan zòn ou an, voye yon imèl bay: NY.Prepare@dhses.ny.gov

Konsèy Preparasyon

- Enskri pou alèt ijans nan zòn ou an lè w patisipe nan NY-Alert nan alert.ny.gov. NY-Alert se yon sèvis gratis ki bay enfòmasyon enpòtan pou ijans atravè imèl, apèl telefòn oswa mesaj tèks.
- Aprann wout ki pi rapid apati lakay ou oswa biznis ou pou rive nan yon zòn ki an sekirite, sizoka ou dwe kite nan prese.
- Devlope epi pratike yon plan "evakyasyon fanmi" epi idantifye yon espas rankont si manm fanmi an vin separe.
- Fè yon lis detaye tout bagay ki gen valè pou ou tankou mèb, rad ak lòt objè pèsonèl. Kenbe lis la yon kote ki gen sekirite.
- Fè rezèv estòk ijans manje nan bwat, medikaman ak atik premye swen epi dlo potab. Sere dlo potab nan vesò pwòp ki byen fèmen.
- Planifye sa w ap fè ak bèt ou gen nan kay la pandan yon ijans.
- Kenbe machin ou ak gaz oswa chaj. Si kouran elektrik la koupe, estasyon gazolin ka p ap ka bay gaz pandan plizyè jou. Kenbe yon ti pwovizyon nan kòf machin ou sizoka ta gen katastwòf.

Gen pwovizyon pou yon kit ijans sou men, tankou:

- Flach ak pil siplemantè
- Radyo ki fonksyone ak batri ak batri ekstra yo
- Twous premye swen ak manyèl
- Manje ak dlo pou ijans
- Kle ki pa elektrik pou ouvri kanèt yo
- Yon rezèv medikaman esansyèl ki ka dire 7-10 jou
- Chekye, lajan kach, kat kredi, elatriye.

Pou plis konsèy sou sekirite, vizite sitwèb Divizyon Sekirite Enteryè ak Sèvis Ijans (Division of Homeland Security and Emergency Services) Eta New York la nan www.dhses.ny.gov/safety.

###

Lòt nouvèl disponib sou sit www.governor.ny.gov
Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)